

〔日本後紀桓武〕延曆十六年正月辛亥、能登國羽咋能登二郡沒官田并野七十七町、賜尚侍從三位百濟王明信、

〔續日本後紀仁明〕承和二年四月丙子、甲斐國巨麻郡馬相野空閑地五百町、賜一品式部卿葛原親王、
〔三代實錄清和〕貞觀元年四月廿日乙巳、詔賜左大臣從一位源朝臣信、攝津國河邊郡為奈野、為遊獵之地、

〔三代實錄清和〕貞觀二年十一月三日己卯、詔參議正三位行右衛門督源朝臣融、賜大和國宇陀野、為臂鷹從禽之地、

〔三代實錄清和〕貞觀十五年八月癸巳、朔勅賜攝津國河邊郡為奈野於二品行中務卿兼上野太守諱光孝天皇親王、以為遊狩之地、勿禁百姓樵蘇焉、

〔續日本紀光仁〕寶龜元年十二月乙未、賜左大臣正一位藤原朝臣永手、山背國相樂郡出水郷山二百町、

〔日本紀略桓武〕延曆十四年六月丙申、周防國田百町、山八百町、賜茨田親王、

〔日本後紀桓武〕延曆十八年九月丁巳、近江國小神舊牧賜諱嵯峨天皇

〔日本後紀桓武〕延曆廿三年正月乙巳、安藝國野三百町、賜甘南備內親王、以為牧地、

〔日本後紀嵯峨〕弘仁二年八月壬申、山城國乙訓郡地二町、田十町、池一處、栗林一町、賜甘南備內親王、

〔續日本後紀仁明〕承和七年十一月戊子、以在志摩國答志島、賜無品常康親王、

賜島

賜池

賜牧

賜山